

後漢書

列傳

廿五

後漢書

廿六

張曹鄭列傳第二十五

范曄 後漢書三十五

張純傳

子奮

張純字伯仁京兆杜陵人也高祖父安世宣

帝時為大司馬衛將軍封富平侯

臣賢案張安世昭帝

元鳳六年以右將軍宿衛忠謹封富平侯今此言宣帝封誤也宣帝即位但益封萬戶耳

父放為成帝侍中純少襲爵土哀平閒為侍

中至莽時至列卿遭值篡偽多亡爵土純以

敦謹守約保全前封建武初先來詣闕故得



張曹鄭列傳第二十五

范曄 後漢書三十五

張純傳

子奮

張純字伯仁京兆杜陵人也高祖父安世宣

帝時為大司馬衛將軍封富平侯臣賢案張安世昭帝

元鳳六年以右將軍宿衛忠謹封富平侯今此言宣帝封誤也宣帝即位但益封萬戶耳

父放為成帝侍中純少襲爵土哀平閒為侍

中王莽時至卿遭值篡偽多亡爵土純以

敦謹守約保全前封建武初先來詣闕故得



復國五年拜太中大夫使將潁川突騎安集
 荆徐揚部督委輸督促也委輸轉運也監諸將營後又
 將兵屯田南陽遷五官中郎將有司奏列侯
 非宗室不宜復國光武曰張純宿衛十有餘
 年其勿廢更封武始侯食富平之半武始縣屬
富平縣屬
 純在朝歷世明習故事建武初舊
 章多闕每有疑議輒以訪純自郊廟婚冠喪
 紀禮儀多所正定帝甚重之以純兼虎賁中
 郎將數被引見一日或至數四過三以至
於四也純

以宗廟未定昭穆失序十九年乃與太僕朱
 浮共奏言陛下興於匹庶蕩滌天下誅鉏暴
 亂興繼祖宗竊以經義所紀人事衆心雖實
 同創革而名爲中興宜奉先帝恭承祭祀者
 也元帝以來宗廟奉祠高皇帝爲受命祖孝
 文皇帝爲太宗孝武皇帝爲世宗皆如舊制
 又立親廟四世推南頓君以上盡於春陵節
 侯南頓令欽卿光武之父
春陵侯買是武高祖也禮爲入後者則爲
 之乎既事太宗則降其私親太宗謂元帝也
漢代相承高祖

至元帝八代光武即高帝九代潔以代數相
推故繼體元帝故曰既事太宗下又云宣元
皇帝尊為祖父又曰自元帝以上祭于洛陽
成帝以下祭于長安其義明矣降其私親謂
春陵以下不別序昭穆今禘祫高廟陳序昭穆而春陵
四世君臣並列以卑廟尊不合禮意設不遭
王莽而國嗣無寄推求宗室以陛下繼統者
安得復顧私親違禮制乎昔高帝以自受命
不由太上宣帝以孫後祖不敢私親故為父
立廟獨群臣侍祠臣愚謂宜除今親廟以則
七帝舊典願下有司博採其議詔下公卿大

司徒戴涉大司空竇融議宜以宣元成哀平
五帝四世代今親廟宣元皇帝尊為祖父可
親奉祠成帝以下有司行事別為南頓君立
皇考廟其祭上至春陵節侯群臣奉祠以明
尊尊之敬親親之恩帝從之是時宗廟未備
自元帝以上祭於洛陽高廟成帝以下祠於
長安高廟其南頓四世隨所在而祭焉明年
純代朱浮為太僕二十三年代杜林為大司
空在位慕曹參之迹務於無為曹參惠帝時
代蕭何為相

國遵蕭何法無所變更選辟掾史皆知名大儒明年上

穿陽渠引洛水為漕上音時文友陽渠在洛陽城南百姓得

其利二十六年詔純曰禘祫之祭不行已久

矣三年不為禮禮必壞三年不為樂樂必崩

論語載宰我之言也宜據經典詳為其制純奏曰禮三

年一祫五年一禘春秋傳曰大祫者何合祭

也毀廟及未毀廟之主皆祭合食乎太祖五

年而再殷周禮三年一祫五年一禘又公羊傳曰大祫者何合祭也合祭奈何

毀廟主陳于太祖未毀主皆外合食于太祖五年而再殷祭注云殷盛也謂三年祫五年

也漢舊制三年一祫毀廟主合食高廟存廟

主未嘗合祭元始五年諸王公列侯廟會始為

禘祭臣賢案平帝元始三年春祫祭明堂諸侯王列侯宗室助祭賜爵金帛今純及

司馬彪書云禘祭蓋禘祫俱是大祭名可通也又前十八年親幸

長安亦行此禮續漢書曰十八年上幸長安詔太常行禘禮於高廟序昭

穆父為昭南向子為穆北向禮說三年一閏天氣小備五

年再閏天氣大備三年一祫五年一禘禘之

為言諦諦定昭穆尊卑之義也禘祭以夏四

月夏者陽氣在上陰氣在下四月乾卦用事故言陽氣在上

也故正尊卑之義也禘祭以冬十月冬者五

穀成熟物備禮成故合聚飲食也斯典之廢

於並八年自十八年至此謂可知禮施行以時定議

帝從之自是禘祫遂定時南單于及烏桓來

降邊境無事百姓新去兵革歲仍有年家給

入足仍頻也純以聖主之建辟雍所以崇尊禮

義既富而教者也論語日子適衛丹有僕子

又何加焉曰富之既富乃案七經識明堂圖

識驗也解見光武紀七經詩河閒古辟雍記

孝武太山明堂制度

武帝時河閒獻玉德獻

記也又武帝封太山濟南人公玉帶上黃帝

時明堂圖明堂中有一殿四面無壁以茅蓋

水環宮垣為複及平帝時議平帝時起明堂

道上有樓也欲具奏之未及上會博士桓榮上

以上皆議言宜立辟雍明堂章下三公太常而純議同

榮帝乃許之三十年純奏上宜封禪曰自古

受命而帝治世之隆必有封禪以告成功焉

禮記曰因名山升中于天鄭玄注曰謂巡守

至於方嶽燔柴祭天告以諸侯之成功也

樂勳聲儀曰以雅治入風成於頌勳聲儀樂

緯編名也

有周之盛成康之閒郊配封禪皆可見也書
曰歲二月東巡狩至于岱宗柴則封禪之義
也臣伏見陛下受中興之命平海內之亂修
復祖宗撫存萬姓天下曠然咸蒙更生恩德
雲行惠澤雨施易曰雲行雨
施品物流形黎元安寧夷狄
慕義詩云受天之祐四方來賀下武之詩也
鄭玄注云言
武王受此萬年之壽輔
佐之臣亦宜蒙餘福也今攝提之歲蒼龍甲
寅德在東宮爾雅曰太歲在寅日攝提格建
武三十年太歲在甲寅時歲德
在東宮前書音義
曰蒼龍太歲也宜及嘉時遵唐帝之典繼

孝武之業以二月東巡狩封于岱宗明中興
勒功勲復祖統報天神禪梁父祀地祇傳祚
子孫萬世之基也中元元年帝乃東巡岱宗
以純視御史大夫從視比也并上元封舊儀及
刻石文武帝元封元年封禪儀令侍中皮弁
搢紳射牛行事封廣文二高九尺有
玉牒書書祕其事皆禁禪肅然天子親拜衣
上黃江淮間一茅三脊為神藉五色土雜封
縱遠方高歎
飛禽之屬也三月薨謚曰節侯子奮嗣
奮字稚通父統臨終勅家丞曰司空無功於
時猥蒙爵土身死之後勿議傳國東觀記曰
家丞名歆

奮兄根少被病光武詔奮嗣爵奮稱純遺勅
固不肯受帝以奮違詔勅收下獄奮惶怖乃
襲封永平四年隨例歸國奮少好學節儉行
義常分損租奉奉音扶用反贍卹宗親雖至傾匱
而施與不怠十年儋耳降附儋耳郡武帝置故城即今儋州
義倫奮來朝上壽引見宜平殿應對合旨顯
宗異其才以為侍祠侯名臣子孫侍祠封侯解見鄧禹傳建
初元年拜左中郎將轉五官中郎將遷長水
校尉七年為將作大匠章和元年免永元元

年復拜城門校尉四年遷長樂衛尉明年代
桓郁為太常六年代劉方為司空時歲災旱
祈雨不應乃上表曰比年不登人用飢匱今
復久旱秋稼未立立成也陽氣垂盡歲月迫促
夫國以民為本民以穀為命政之急務憂之
重者也臣蒙恩尤深受職過任夙夜憂懼章
奏不能敘心願對中常侍疏奏疏猶條錄也即時
引見復口陳時政之宜明日和帝召太尉司
徒幸洛陽獄錄囚徒叔洛陽今陳歆即大雨

三日奮在位清白無他異績九年以病罷在
家上疏曰聖人所美政道至要本在禮樂五
經同歸而禮樂之用尤急孔子曰安上治民
莫善於禮移風易俗莫善於樂又曰揖讓而
化天下者禮樂之謂也禮記樂記孔子之辭也先王之
道禮樂可謂盛矣孔子謂子夏曰禮以修外
樂以制內位已矣夫禮替命徵之辭也宋均注云修外飾容貌也修
內蕩滌心性也已矣夫恨不制作禮樂也又曰禮樂不興則刑罰
不中刑罰不中則民無所厝其手足臣以為

漢當制作禮樂是以先帝聖德數下詔書愍

傷崩缺而衆儒不達議多駁異臣累世台輔

奮七代祖湯武帝時為御史大夫六代祖子孺宣帝時為衛將軍領尚書父純光武時為

司而大典未定私竊惟憂不忘寢食臣犬馬

齒盡誠冀先死見禮樂之定先死謂未死之前也十三

年更召拜太常復上疏曰漢當改作禮樂圖

書著明見曹褒傳王者化定制禮功成作樂禮記樂記

之文功成化定同耳功謂王業化謂教人也謹條禮樂異議三事

願下有司以時考定昔者孝武皇帝光武皇

帝封禪告成而禮樂不定事不相副先帝詔

曹褒章帝初曹褒于東觀次序禮事依准舊典凡百五十篇奏之也今陛下

但奉而承之猶周公斟酌文武之道非自為

制誠無所疑周公制禮皆斟酌文武之美德為之等制不自述也今先帝已

詔曹褒非陛下出意何所疑而不為也詩頌

日於乎不顯文王之德之純假以溢我我其

執競武王無競維烈也又執謙謙令大漢之

業不以時成非所以章顯祖宗功德建太平

之基為後世法帝雖善之猶未施行其冬復

侯

以病罷明年卒於家子甫嗣官至津城門候

津城門洛陽南面西門也當洛水浮橋漢官儀曰候一人秩六百石也甫卒子

吉嗣永初三年吉卒無子國除自昭帝封安

世至吉傳國八世張安世字子孺昭帝時為右將軍始封富平侯卒子

延壽嗣卒子勃嗣卒子臨嗣卒子放嗣卒子

嗣卒子吉嗣無子國除此言八代者除安世始封也經歷篡亂二百年

未嘗譴黜封者莫與為比開至永初三年合一百八十二年故曰開也

曹褒傳

曹褒字叔通魯國薛人也父充持慶氏禮前書

沛人慶普字孝公為東平太守
傳受禮於右倉號慶氏禮也
建武中為博士

從巡狩岱宗定封禪禮還受詔議立七郊三

雍大射養老禮儀五帝及天地為七郊三顯

宗即位充上言漢再受命仍有封禪之事而

禮樂崩闕不可為後嗣法五帝不相沿樂三

王不相襲禮禮記正文也言損益不同也大漢當自制禮

以示百世帝問制禮樂云何充對曰河圖括

天地象曰有漢世禮樂文雅出尚書璇璣鈴

曰有帝漢出德洽作樂名予帝善之不詔曰

今日改太樂官曰太子樂歌詩曲操以俟君

子操猶曲也劉向別錄曰君子因雅琴之適故從容以致思焉其道閉塞悲愁而作者

名其曲曰操言遇災害不失其操也拜充侍中作章句辯難於

是遂有慶氏學寢少篤志有大度結髮傳充

業博雅踈通尤好禮事常感朝廷制度未備

慕叔孫通漢禮儀晝夜研精沉吟專思寢則

懷抱筆札行則誦習文書當其念至忘所之

適初舉孝廉再遷圉令圉縣屬陳留故城在今汴州雍丘縣南也

以禮理入以德化俗時它郡盜徒五人來入

圍界吏捕得之陳留太守馬嚴聞而疾惡風
縣殺之褒勅吏曰吏絕人命者天亦絕之臯
陶不為盜制死刑管仲遇盜而升諸公禮雜
計曰
孔子曰管仲遇盜取二人焉上以為公
臣注云此人但居惡人之中使犯法耳今承
旨而殺之是逆天心順府意也其罰重矣如
得全此人命而身坐之吾所願也遂不為殺
嚴奏褒獎弱免官居郡為功曹徵拜博士會
肅宗欲制定禮樂元和二年下詔曰河圖稱
赤九會昌十世以光十一以興九謂光武十
謂明帝十一

謂章尚書璇璣鈴曰述堯理世平制禮樂放

唐之文緯本文云使帝王受命用吾道述堯
理代平制禮放唐之文化洽作樂名

斯在宋均注予末小子託于數終曷以續興

崇弘祖宗仁濟元元帝命驗曰順堯考德題

期立象宋均注曰堯巡省于河洛得龜龍之
圖書舜受禪後習堯禮得之演以為

起之象凡三篇在中候也且三五步驟優劣

殊軌孝經鈞命決曰三皇步五帝驟三王馳
宋均注云步謂德隆道備日月為步時

事彌順日月亦驟勤思不況予頑陋無以克

堪雖欲從之末由也已每見圖書中心惡焉

褒知帝旨欲有興作乃上疏曰昔者聖人受命而王莫不制禮作樂以著功德功成作樂化定制禮所以救世俗致禎祥為萬姓獲福於皇天者也今皇天降祉嘉瑞並臻制作之符甚於言語言明白也宜定文制著成漢禮丕顯祖宗盛德之美章下太常太常巢堪以為一世大典非褒所定不可許帝知群僚拘攣難為圖治拘攣猶拘束也前書鄒陽曰能越拘攣之語也朝廷禮憲宜時刊立明年復下詔曰朕以不德膺祖宗弘

烈乃者鸞鳳仍集麟龍並臻甘露宵降嘉穀

滋生赤草之類紀于史官赤草即朱草也大戴禮曰朱草日生

一葉至十五日十六日日落一葉周而復始也朕夙夜祗畏上無以

彰于先功下無以克稱靈物漢遭秦餘禮壞

樂崩且因循故事未可觀省有知其說者各

盡所能褒省詔歎息謂諸生曰昔炎斯頌魯

韓詩曰新廟奕奕奕斯所作薛君傳云是詩公子炎斯所作也考甫詠殷正

甫孔子之先也夫人臣依義顯君竭忠彰主

行之美也當仁不讓吾何辭哉遂復上疏具

陳禮樂之本制改之意拜褒侍中從駕南巡

既還以事下三公未及奏詔召玄武司馬班

固玄武司馬主玄武門續漢志云宮掖門每門司馬一人秩比千石也問改定

禮制之宜固曰京師諸儒多能說禮宜廣招

集共議得失帝曰諺言作舍道邊三年不成

會禮之家名為聚訟言相爭不定也互生疑異筆不

得下昔堯作大章一夔足矣夔堯樂官也呂氏春秋曰魯哀

公問于孔子曰樂正夔一足矣章和元年正月乃召褒詣嘉

德門今小黄門持班固所上叔孫通漢儀十

二篇勅褒曰此制散略多不合經散略猶今

宜依禮條正使可施行於南宮東觀盡心集

作褒既受命乃次序禮事依準舊典雜以五

經識記之文撰次天子至於庶人冠婚吉凶

終始制度以為百五十篇寫以二尺四寸簡

其年十二月奏上帝以衆論難一故但納之

不復令有司平奏會帝崩和帝即位褒乃為

作章句帝遂以新禮二篇冠擢褒監羽林左

騎漢官儀曰羽林左騎秩六百石領羽林屬騎光祿勳也劉放曰注羽林左騎等百官

志騎當 永元四年遷射聲校尉後太尉張酺
作監 尚書張敏等奏袞擅制漢禮破亂聖術宜加
刑誅帝雖寢其奏而漢禮遂不行袞在射聲
營舍有停棺不葬者百餘所袞親自履行問
其意故吏對曰此等多是建武以來絕無後
者不得埋掩袞乃愴然為買空地悉葬其無
主者設祭以祀之遷城門校尉將作大匠時
有疾疫袞巡行病徒為致醫藥經理饋粥多
蒙濟活七年出為河內太守時春夏久旱糧

穀踊貴袞到乃省吏并職退去姦殘澍雨數
降其秋大熟百姓給足流冗皆還後坐上災
害不實免有頃徵再遷復為侍中袞博物識
古今為儒者宗十四年卒官作通義十二篇
演經雜論百二十篇又傳禮記四十九篇教
授諸生千餘人慶氏學遂行於世

論曰漢初天下創定朝制無文叔孫通頗探
經禮參酌秦法雖適物觀時有救崩敝然先
王之容典蓋多闕矣

容禮容也典法則也謂
行禮威儀俯仰之容貌

也文帝時魯徐生以容為禮官孫是以賈誼
襄亦善為容容或作宏義亦通也

仲舒王吉劉向之徒懷憤歎息所不能已也
賈誼等以叔孫通禮制踈略金上書對策請
更改作皆不從所以歎息也班固曰今大漢
之徒所為發憤而增歎也見前書

遠圖明懿美而終莫或用
資用也言用文帝
宜帝美略遠謀而
終不能用賈誼等言誼文帝時人王吉宣帝
時人○劉放曰遠圖明懿美案文多一明字

故知自燕而觀有不盡矣
禮記曰孔子之喪
有自燕來觀者舍
於子夏氏子夏曰聖人之葬人與人之葬
聖人也子何觀焉有不盡矣言未備也

章永言前王明發興作也明發謂發夕至明
也詩曰明發不寐專

命禮臣撰定國憲洋洋乎盛德之事焉
洋洋美也

而業絕天箒議黜異端斯道竟復墜矣
業絕天箒謂章帝晏駕也議黜異端謂張
酺等奏褻擅制禮遂不行也夫三王不相

襲禮五帝不相公樂所以咸莖異調中都殊
絕咸池黃帝樂也莖六莖顓頊樂也見前
書異調言古今不同也中都魯邑名也家

語曰孔子為中都宰制為養生送死之節
殊絕猶斷絕也言古樂不同舊禮亦絕也沉
物運遷回情數萬化制則不能隨其流變品

度未足定其滋章
言時代遷移
斯固世主所
當損益者也且樂非夔襄而新音代起律謝

臯蕪而制令亟易

夔舜樂官襄魯樂官也臯陶虞士官蕪念生周武王

之司修補舊文獨何猜焉

言刑樂數改而禮

云禮云曷其然哉

數其不能定也

鄭玄傳

鄭玄字康成北海高密人也八世祖崇哀帝

時尚書僕射玄少為鄉嗇夫

前書曰鄉有嗇夫掌聽訟收賦

稅得休歸常詣學官不樂為吏父數怒之不

能禁

鄭玄別傳曰玄年十一二隨母還家正臘會同列十數人皆羨服盛飾語言閑

通玄獨漠然如不及毋私督數之乃曰此非我志不在可願也

遂造太學受

業師事京兆第五元先始通京氏易公羊春

秋三統歷九章算術

三統歷劉歆所撰也九章算術周公作也九有

九篇方田一粟米二差分三少廣四均輪五方程六傍要七盈不足八鈎股九又從

東郡張恭祖受周官禮記左氏春秋韓詩古

文尚書以山東無足問者乃西入關因涿郡

盧植事扶風馬融融門徒四百餘人升堂進

者五十餘生融素驕貴玄在門下三年不得

見乃使高業弟子傳授於玄玄日夜尋誦未

嘗怠倦會融集諸生考論圖緯聞玄善算乃

召見於樓上玄因從質諸疑義問畢辭歸融

喟然謂門人曰鄭生今去吾道東矣前書日田何受

易於丁寬學成寬東歸何謂門人曰易東矣玄自遊學十餘年乃

歸鄉里家貧客耕東萊學徒相隨已數百千

人及黨事起乃與同郡孫嵩等四十餘人俱

被禁錮嵩字實實見趙岐傳遂隱修經業杜門不出時

任城何休好公羊學遂著公羊墨守言公羊義理深

遠不可駁難如墨翟之守城也左氏膏肓說文曰肓隔也心下為膏喻左氏之

疾不可為也穀梁廢疾玄乃發墨守鍼膏肓起廢

疾休見而歎曰康成入吾室操吾矛以伐我

乎初中興之後范升陳元李育賈逵之徒爭

論古今學後馬融荅北地太守劉瓌及玄荅

何休義據通深由是古學遂明靈帝末黨禁

解大將軍何進聞而辟之州郡以進權威不

敢違意遂迫脅玄不得已而詣之進為設几

杖禮待甚優玄不受朝服而以幅巾見一宿

逃去時年六十弟子河內趙商等有遠方至

者數千後將軍袁隗表為侍中以父喪不行

國相孔融深敬於玄屣履造門

屣謂納履未正曳之而行

言趨賢急也

告高密縣為玄特立一鄉曰昔齊置

也

士鄉

管仲相桓公制國為二十一鄉工商士也事見國語六士鄉十五以居工商士也

也越有君子軍皆異賢之意也

吳越相攻越王勾踐乃中

分其師為左右軍以其私率君子六千人為中軍注云君子王所親近有至行者見國語

鄭君好學實懷明德昔太史公廷尉異公謁

者僕射鄧公皆漢之名臣又南山四皓有園

公夏黃公潛光隱耀世加其高皆悉稱公

公具

文帝時為河南守鄧公景帝時為謁者僕射太史公司馬談武帝時四皓高帝時也

公夏黃公角里先生綺里季也須眉皓白故言皓秦時隱於商維南山以待天下之定漢興迎而致之也然則公者仁德之正號不必三事大

夫也今鄭君鄉宜曰鄭公鄉昔東海于公僅

有一節猶或戒鄉人侈其門閭

節謂決獄也昭帝時東

海于公為縣獄吏決獄平郡為生立祠號曰于公祠先是于公問門壤父老方共修之于公曰少高大其門令容駟馬車我矧乃鄭公決獄多陰德子孫必有興者也

之德而無駟牡之路可廣開門衢令容高車

號為通德門董車遷都長安公卿舉玄為趙

相道斷不至

趙王虔之相也

會黃巾寇青部乃避地

徐列徐州牧陶謙接以師友之禮建安元年
自徐州還高密道遇黃巾賊數萬人見玄皆
拜相約不敢入縣境玄後嘗疾篤自慮以書
戒子益恩曰吾家舊貧不為父母群弟所容
去廝役之吏廝賤也游學周秦之都往來幽并
兗豫之域獲覲乎在位通人處逸大儒得意
者咸從捧手有所受焉處逸謂處士隱逸之大儒遂博稽
六藝粗覽傳記時覩秘書緯術之奧年過四
十乃歸供養假田播殖以娛朝夕遇閹尹擅

勢坐黨禁錮十有四年而蒙赦今舉賢良方

正有道辟大將軍三司府公車再召比牒併

名早為宰相比牒猶連牒也併名謂齊名也言連牒齊名被召者並為宰相

惟彼敷公懿德大雅克堪王臣故宜

式序式用也序列也吾自忖度無任於此但念述先

聖之元意思整百家之不齊亦庶幾以竭吾

才故聞命罔從而黃巾為害萍浮南北復歸

邦鄉入此歲來已七十矣宿素衰落仍有失

誤案之禮典便合傳家傳家謂家事傳子孫也曲禮日七十老而

傳

今我告爾以老歸爾以事將閑居以安性

覃思以終業自非拜國君之命問族親之憂

展敬墳墓觀省野物胡嘗扶杖出門乎家事

大小汝一承之咨爾兢兢一夫曾無同生相

依其勛求君子之道研讚勿替○劉放日案文讚當作鑽

敬慎威儀以近有德詩大雅民勞篇之言也顯譽成於

僚友德行立於已志若致聲稱亦有榮於所

生可不深念邪可不深念邪吾雖無紱冕之

緒頗有讓爵之高謂頗被辟不就也自樂以論贊之

功庶不遺後人之羞末所憤憤者徒以亡親

墳壟未成所好群書率皆腐敝不得於禮堂

寫定傳與其人其人謂好學者也前書司馬遷曰僕誠已著此書傳之其

也日西方暮其可圖乎家今差多於昔勤力

務時無恤飢寒菲飲食薄衣服節夫二者尚

令吾寡恨若忽忘不識亦已焉哉時大將軍

袁紹總兵冀州遣使要玄大會賓客玄最後

至乃延升上坐身長八尺飲酒一斛秀眉明

目容儀溫偉紹客多豪俊並有才說見玄儒

者未以通人許之競設異端百家互起玄依
方辯對咸出問表皆得所未聞莫不嗟服時
汝南應劭亦歸於紹因自贊曰故太山太守
應中遠北面稱弟子何如玄笑曰仲尼之門
考以四科四科謂德行言語政事文學顏淵
閔子騫及子游子夏並見論語也
回賜之徒不稱官閥劭有慙色紹乃舉玄茂
才表為左中郎將皆不就公車徵為大司農
給安車一乘所過長吏送迎玄乃以病自乞
還家五年春夢孔子告之曰起起今年歲在

辰來年歲在巳

北齊劉晝高才不遇傳論玄曰辰為龍巳為蛇歲至龍蛇

合之蓋謂此也

既寤以讖合之知命當終有

頃寢疾時袁紹與曹操相拒於官度

官度津名也在

今鄭州中牟縣北前書音義曰於滎陽下引河東南為洪溝北通宋鄭淮泗即今官度

令其子譚遣使逼玄隨軍不得已載病到元

城縣疾篤不進其年六月卒年七十四遺令

薄葬自郡守以下嘗受業者縷經赴會千餘

人門生相與撰玄荅諸弟子問五經依論語

作鄭志八篇凡玄所注周易尚書毛詩儀禮

禮記論語孝經尚書大傳中候乾象曆又著

天文七政論魯禮掃袷義六藝論毛詩譜駁

許慎五經異義荅臨孝存周禮難凡百餘萬

言案謝承書載玄所注與此略同玄全字質於辭

訓通人頗譏其繁至於經傳洽熟稱為純儒

齊魯開宗之其門入山陽郗慮至御史大夫

東萊王基清河崔琰著名於世又樂安國淵

任琰慮字鴻豫基字伯興魏鎮南將軍安樂

字子尼魏司空掾遷太僕琰字昭光魏黃門

侍郎也○劉放曰注魏東西曹掾案崔琰但

作東曹掾時並童幼玄稱淵為國器有道

德其餘亦多所鑒拔皆如其言玄唯一子

益恩孔融在北海舉為孝廉及融為黃巾所

圍益恩赴難隕身有遺腹子玄以其手文似

已名之曰小同魏氏春秋曰小同高貴鄉公

王有密疏未之辨也如廁還問之曰卿見吾

疏乎答曰我不見文王曰寧我負卿無卿負

論曰自秦焚六經聖文埃滅埃塵也漢興諸儒

頗修藝文及東京學者亦各名家而守文之

徒滯固所稟

稟受滯固猶固執也言學者各守所見不疏通也

異端

紛紛互相詭激遂令經有數家家有數說章

句多者或乃百餘萬言學徒勞而少功後生

疑而莫正鄭玄括囊大典網羅眾家

括結也易坤卦

日括囊也刪裁繁蕪刊改漏失自是學者略知

所歸王父豫章君每考先儒經訓而長於玄

王父祖父也爾雅曰父之父為王父也范曄祖父甯字武子晉武帝時為豫章太守經義每以友

為長也常以為仲尼之門不能過也及傳授

生徒並專以鄭氏家法云

言甯教授專崇鄭學也

贊曰富平之緒承家載世

載重也易師卦曰大君有命開國承

家伯仁先歸釐我國祭

釐理也言純釐也祭也

玄定

義乖褻修禮缺孔書遂明漢章中輟

輟止也中輟謂曹褒禮不行也

張曹鄭列傳第二十五

王稟校正孫張能官

鄭范陳賈張列傳第二十六

范曄 後漢書三十六

鄭興傳

予衆

鄭興字少贛河南開封人也少學公羊春秋

晚善左氏傳遂積精深思通達其旨同學者

皆師之

東觀記曰興從博士金子嚴為左氏春秋

天鳳中

王莽將

門人從劉歆講正大義左氏義也歆美興才使撰

條例章句訓詁及校三統歷

說文曰詁訓古言也音古度反

三統歷劉歆撰謂殷周歷也

更始立以司直李松行丞相

事先入長安松以興為長史今還奉迎遷都
更始諸將皆山東人咸勸留洛陽興說更始
曰陛下起自荆楚權政未施更始起南陽南陽屬荊州故曰
荆楚一朝建號而山西雄桀爭誅王莽開關
也山西謂峽郊迎者何也山西已西也此天下同苦主氏虐
政而思高祖之舊德也今又不撫之臣恐百
姓離心盜賊復起矣春秋書齊小白入齊不
稱侯未朝廟故也小白齊桓公也春秋齊小
以國氏當國也其今議者欲先定赤眉而後
言入何篡辭也

王

入關是不識其本而爭其末恐國家之守轉

在函谷言若不早都關中有人先入雖卧洛

陽庸得安枕乎庸用更始曰朕西決矣拜興

為諫議大夫使安集關西及朔方涼益三列

還拜涼列刺史會天水有反者攻殺郡守興

坐免時赤眉入關東道不通興乃西歸隗躡

虛心禮請劉放曰案而興恥為之屈稱疾

不起躡矜已自飾常以為西伯復作西伯文

也起乃與諸將議自立為王興聞而說躡曰春

秋傳云口不道忠信之言為囂耳不聽五聲
之和為聲左氏曰辰諫周襄王之辭聞者諸將集會無乃
不道忠信之言大將軍之聽無乃阿而不察
乎昔文王承積德之緒加之以睿聖三分天
下尚服事殷論語孔子曰三分大有其二以服事殷及武王即
位八百諸侯不謀同會皆曰紂可伐矣武王
以未知天命還兵待時史記曰武王觀兵孟津諸侯不期而會者八百人皆曰紂可伐矣王曰汝未知以命乃
還師後聞紂殺比干囚箕子乃告諸侯以伐
之故曰高祖征伐累年猶以沛公行師今今
待時也

德雖明世無宗周之祚威略雖振未有高祖
之功而欲舉未可之事昭速禍患劉放曰案文昭當
招無乃不可乎惟將軍察之豈竟不稱王後
遂廣置職位以自尊高興復止蹶曰夫中郎
將太中大夫使持節官皆王者之器非人臣
所當制也孔子曰唯器與名不可以假人左傳
社預注日器車不可以假人者亦不可以假
於人也無益於實有損於名非尊上之意也
蹶病之而止病猶難也及蹶遣子恂入侍將行與

因恠求歸葬父母，蹠不聽而徙興舍，益其秩禮。興入見蹠，曰：「前遭赤眉之亂，以將軍僚舊，故敢歸身明德。」興嘗為涼州刺史，蹠為西州將軍，故曰僚舊也。幸蒙

覆載之恩，復得全其性命，興聞事親之道，生

事之以禮，死葬之以禮，祭之以禮，奉以周旋，

弗敢失墜。周旋猶遵奉也。左傳：季文子曰：先大夫臧文仲，教行父事君之禮，奉

以周旋，弗敢失墜也。今為父母未葬，請乞骸骨。若以增

秩徙舍中，更停留，是以親為餌。餌，餽也。無禮甚

矣。將軍焉用之？蹠曰：「囂將不足留，故邪？」興曰：

將軍據七郡之地。七郡：天水、隴、西、武、威、張、掖、酒泉、敦煌、金城也。擁

羌胡之衆，以戴本朝，德莫厚焉，威莫重焉。居

則為專命之使，入必為鼎足之臣。興從俗者，

也不敢深居屏處。因將軍求進，不患不達。因

將軍求入，何患不親？此興之計，不逆將軍者，

也。興業為父母，請不可以已。願留妻子，獨歸。

葬。將軍又何猜焉？蹠曰：「幸甚。促為辦裝。」遂令

與妻子俱東。時建武六年也。侍御史杜林先

與興同寓隴右，乃薦之。曰：「竊見河南鄭興，執

義堅固敦悅詩書

左傳趙襄曰臣亟聞穀穀之言矣邾穀悅禮樂而敦

詩書

好古博物見疑不惑有公孫僑觀射父

之德

左傳子產辨黃熊晉侯闢之曰博物君子也觀射父楚大夫也對昭王以重黎

義和之事見國語

宜侍帷幄典職機密昔張仲在周

燕翼宣王而詩人悅喜

張仲周宣王時賢臣也燕樂也翼敬也詩

小雅曰侯誰在矣張仲孝友

惟陛下留聽少察以助萬分

乃徵為太中大夫明年三月晦日食興因上

疏曰春秋以天反時為災地反物為妖人反

德為亂亂則妖災生

左傳晉伯宗之辭天反時為災謂寒暑易節也

地反物為妖謂群物失性也

往年以來謫咎連見意者執

事頗有關焉按春秋昭公十七年夏六月甲

戌朔日有食之

杜預注曰於周為六月於夏為四月統陽用事陰氣未動

而侵陽也傳曰日過分而未至

言過春分而未及夏至也三辰

有災

三辰日月星也

於是百官降物

降物素服

君不舉

不舉

盛饌避移時

避正寢過日食時也

樂用鼓

奏鼓伐鼓

祝用幣

幣用

於社史用辭

載魯大夫答季平子之詞也今

孟夏純乾用事陰氣未作其災尤重夫國無

謫政則謫見日月變咎之來不可不慎其要

在因入之心擇入處位也

左傳晉士文伯曰國無政不用善則

自取謫於日月之灾故政不可不慎也務三而已一曰擇人二曰因人三曰從時也

知鯨不可用而用之者屈已之明因入之心

也齊桓反政而相管仲晉文歸國而任郤穀

者是不私其私擇入處位也

史記曰桓公與兄弟糾爭位糾

使管仲將兵遮道射桓公鉤帶及桓公即位任政於管仲也又晉文公自秦歸國懷公故

臣郤芮謀燒公宮殺文公宦者勃鞞告之後文公以郤穀為中軍帥穀即郤芮之族文公

不以為離而任焉言唯賢是用不私其私也

今公卿大夫多舉漁

陽太守郭伋可火司空者而不以時定道路

流言咸曰朝廷欲用功臣功臣用則人位謬

矣願陛下上師唐虞下覽齊晉以成屈已從

衆之德以濟群臣讓善之功

濟成也

夫日月交

會數應在朔而頃年日食每多在晦先時而

合皆月行疾也日君象而月臣象君亢急則

臣下促迫故行疾也今年正月繫霖自爾以

來率多寒日

正月夏之四月

此亦急怒之罰

書曰急恒寒若

天於賢聖之君猶慈父之於孝子也丁寧申

織欲其反政故灾變仍見此乃國之福也今

陛下高明而群臣惶促宜留思柔勉之政垂

意洪範之法刺能也柔勉謂和柔而能立博

採廣謀納群下之策書奏多有所納帝嘗問

興郊祀事曰吾欲以讖斷之何如興對曰臣

不為讖帝怒曰卿不之為讖非之邪興惶恐

曰臣於書有所未學而無所非也帝意乃解

興數言政事依經守義文章溫雅然以不善

讖故不能任九年使監征南積弩營於津鄉

征南將軍岑彭積弩將軍傅俊屯津鄉以拒公孫述津鄉在今荆州也會征南

將軍岑彭為刺客所殺興領其營遂與大司

馬吳漢俱擊公孫述述死詔興留屯成都頃

之侍御史舉奏興奉使私買奴婢坐左轉蓮

勺蓮勺縣屬左馮翊故城在今同州下邳縣東北蓮音聾勺音酌是時喪

亂之餘郡縣荒殘興方欲築城郭修禮教以

化之會以事免興好古學尤明左氏周官長

於歷數自杜林桓譚衛宏之屬莫不斟酌焉

斟酌謂取其意指也世言左氏者多祖於興而賈逵自

傳其父業故有鄭賈之學興去蓮勺後遂不

復仕客授閔鄉閔音聞古字也建安中改作聞三公連辟不

肯應卒于家子衆

衆字仲師年十二從父受左氏春秋精力於學明三統歷作春秋難記條例兼通易詩知名於世建武中皇太子及山陽王荆因虎賁中郎將梁松以縑帛聘請衆欲為通義引籍出入殿中衆謂松曰太子儲君無外交之義漢有舊防蕃王不宜私通賓客遂辭不受松復風衆以長者意不可逆衆曰犯禁觸罪不

如守正而死太子及荆聞而奇之亦不强也

及梁氏事敗梁松坐懸飛書誹謗下獄死事見梁統傳也賓客多

坐之唯衆不染於辭永平初辟司空府以明

經給事中再遷越騎司馬漢官儀曰越騎司馬一人秩千石也

復留給事中是時北匈奴遣使求和親八年

顯宗遣衆持節使匈奴衆至北庭虜欲令拜

衆不為屈單于大怒圍守閉之不與水火欲

脅服衆衆拔刀自誓單于恐而止乃更發使

隨衆還京師朝議欲復遣使報之衆上疏諫

曰臣伏聞北單于所以要致漢使者欲以離
南單于之衆堅三十六國之心也武帝開通西域三
十六國又當揚漢和親誇示鄰敵令西域欲歸
化者局足狐疑懷土之人絕望中國耳漢使
既到便偃蹇自信信音申若復遣之虜必自謂
得謀其群臣駁議者不敢復言駁議謂勸如單于歸漢
是南庭動搖烏桓有離心矣南單于久居漢
地具知形勢萬分離析旋為邊害今幸有度
遼之衆揚威北垂雖勿報答不敢為患明年

初置度遼將軍屯五原曼相

帝不從復遣衆衆因上言臣

前奉使不為匈奴拜單于恚恨故遣兵圍臣

今復銜命必見陵折臣誠不忍持大漢節對

氈裘獨拜如今匈奴遂能服臣將有損大漢

之強帝不聽衆不得已既行在路連上書固

爭之詔切責衆追還繫廷尉會赦歸家其後

帝見匈奴來者問衆與單于爭禮之狀皆言

匈奴中傳衆意氣壯勇雖蘇武不過乃復召

衆為軍司馬使與虎賁中郎將馬廖擊車師

至敦煌拜為中郎將使護西域會匈奴齎車
師圍戊巳校尉衆發兵救之遷武威太守謹
修邊備虜不敢犯遷左馮翊政有名迹建初
六年代鄧彪為大司農是時肅宗議復鹽鐵
官衆諫以為不可武帝時國用不足乃賣鹽
鐵置官以主之昭帝罷之
今議欲詔數切責至被奏劾衆執之不移帝
不從在位以清正稱其後受詔作春秋刪十
九篇八年卒官子安世亦傳家業為長樂末
央廡令續漢志曰廡令
一人秩六百石延光中安帝廢太子

為濟陰王安世與太常桓焉太僕來歷等共
正議諫爭及順帝立安世已卒追賜錢帛除
子亮為郎衆曾孫公業自有傳

范升傳

范升字辯卿代郡人也少孤依外家居九歲
通論語孝經及長習梁丘易老子教授後生
宣帝時梁丘
賀之為也王莽大司空任邑辟升為議曹
史時莽頻發兵役徵賦繁興升乃奉記邑曰
升聞子以人不聞於其父母為孝臣以下不

非其君上為忠

論語孔子曰孝哉閔子騫人

非也言子騫之孝化其父母兄弟言人無非

之者忠臣事君有過即諫在下無有非君者是忠也

不見聖者無不聞今天下之事昭昭於日月

震震於雷霆而朝云不見公云不聞則元元

焉所呼天公以為是而不言則過小矣知而

從今則過大矣二者於公無可以免宜乎天

下歸怨於公矣朝以遠者不服為至念升以

近者不悅為重憂今動與時戾事與道反馳

騫覆車之轍探湯敗事之後

賈誼曰前車覆後車誼曰

見不善如探湯後出益可怪晚發愈可懼耳方春歲

首而動發遠役藜藿不充田荒不耕穀價騰

躍斛至數千吏人陷於湯火之中非國家之

人也如此則胡貊守關青徐之寇在於帷帳

矣王莽時青徐二郡為寇號青徐賊

曰胡貊守關案關當作關方前迫近不當

升有一言可以解天下倒懸免元元之急

不可書傳願蒙引見極陳所懷邑雖然其言

而竟不用升繼病乞身邑不聽令乘傳使上

黨升遂與漢兵會因留不還建武二年光武
徵詣懷宮拜議郎遷博士上疏讓曰臣與博
士梁恭山陽太守呂羌俱修梁丘易二臣年
並耆艾經學深明而臣不以時退與恭並立
深知羌學又不能達也達進慙負二老無顏於
世誦而不行知而不言不可開口以為人師
願推博士以避恭羌帝不許然由是重之數
詔引見每有大議輒見訪問時尚書令韓歆
上疏欲為費氏易左氏春秋立博士費直字長翁善

易長於卦詔下其議四年正月朝公卿大夫

博士見於雲臺帝曰范博士可前平說升起
對曰左氏不祖孔子而出於丘明師徒相傳
又無其人且非先帝所存無因得立遂與韓
歆及太中大夫許淑等互相辯難日中乃罷
升退而奏曰臣聞主不稽古無以承天臣不
述舊無以奉君陛下愍學微缺勞心經甄情
存博聞故異端競進近有司請置京氏易博
士群下執事莫能據正京氏既立費氏怨望

左氏春秋復以比類亦希置立亦費已行次

復高氏沛人高相善易與春秋之家又有騶

夾前書曰騶氏無師如今左氏費氏得置博

士高氏騶夾五經奇異並復求立各有所執

乖戾分爭從之則失道不從則失人將恐陛

下必有馱倦之聽孔子曰博學約之弗叛矣

夫論語孔子之言弗夫學而不約必叛道也

顏淵曰博我以文約我以禮孔子可謂知教

顏淵可謂善學矣老子曰學道日損損猶約

也又曰絕學無憂絕末學也今費左二學無

有本師而多反異先帝前世有疑於此故京

氏雖立輒復見廢疑道不可由疑事不可行

詩書之作其來已久孔子尚周流遊觀至于

知命自衛反魯乃正雅頌孔子以魯哀公十

時道衰樂廢孔子來還乃正今陛下草創天

下紀綱未定雖設學官無有弟子詩書不講

禮樂不修奏立左費非政急務孔子曰攻乎

異端斯害也已攻猶習也異傳曰聞疑傳疑

聞信傳信而堯舜之道存殺樂傳曰信以傳

傳曰君子易為春願陛下疑先帝之所疑信信疑以傳疑公羊

先帝之所信以示反本明不專已天下之事

所以異者以不一本也易曰天下之動貞夫

一也易下繫又曰正其本萬事理今易無五

經之本自孔子始謹奏左氏之失凡十四事

時難者以太史公多引左氏升又上太史公

違戾五經謬孔子言及左氏春秋不可錄三

十一事詔以下博士後升為出妻所告坐繫

得出還鄉里永平中為聊城今坐事免卒為家

陳元傳

陳元字長孫蒼梧廣信人也廣信故城在今

父欽習左氏春秋事黎陽賈護與劉歆同時

而別自名家元父欽字子侯以左氏授王莽

字季君並王莽從欽受左氏學以欽為馱難

將軍馱一元少傳父業為之訓詁銳精覃思

至不與鄉里通以父任為郎建武初元與桓

於

譚杜林鄭興俱為學者所宗時議欲立左氏
傳博士范升奏以為左氏淺末不宜立元
之乃詣闕上疏曰陛下撥亂反正文武並用
撥理也語深愍經藝謬雜真偽錯亂每臨朝
見公羊傳日輒延群臣講論聖道知立明至賢親受孔
子而公羊穀梁傳聞於後世故詔立左氏博
詢可否示不專已盡之群下也今論者沉溺
所習翫守舊聞固執虛言傳受之辭以非親
見實事之道左氏孤學少與與猶遂為異家

之所覆冒夫至音不合衆聽故伯牙絕弦伯牙

善鼓琴鍾子期善聽相與為友子期死伯牙
破琴絕弦不復鼓琴以時人莫之能聽也見
覽至寶不同衆好故卞和泣血卞和得寶玉
獻楚武王王

示王人曰石也則其右足武王歿後復獻之
文王復曰石也則其左足至成王時卞和抱
其璞於郊泣盡以血繼之王乃使仲尼聖德
玉尹攻之果得寶玉事見韓子也仲尼聖德

而不容於世仲尼去魯存齊逐乎宋衛
困於陳蔡之間見史記况於
竹帛餘文其為雷同者所排固其宜也非陛

下至明孰能察之臣元竊見博士范升等所
議奏左氏春秋不可立及太史公違戾凡四

十五事案升等所言前後相違皆斷截小文

媒黷微辭以年數小差掇為巨謬媒狎也黷若濁也掇

拾也音遺脫纖微指為大尤抉瑕摘釁抉音於决

反掩其弘美所謂小辯破言小言破道者也

大戴記小辯篇孔子曰小辯破言小言破義小義破道升等又曰先帝

不以左氏為經故不置博士後主所宜因襲

臣愚以為若先帝所行而後主必行者則盤

庚不當遷于殷周公不當營洛邑盤庚都耿遷於殷文

王鄂鄭武王都鄩周陛下不當都山東也往

者孝武皇帝好公羊衛太子好穀梁有詔詔

太子受公羊不得受穀梁○劉放曰有詔詔太子案文多一詔

孝宣皇帝在人閒時聞衛太子好穀梁於

是獨學之及即位為石渠論而穀梁氏興石渠

閣以藏秘書在未央殿北宣帝甘露三年詔諸儒韋玄成梁丘賀等講論五經於石渠也

至今與公羊並存此先帝後帝各有所立不

必其相因也孔子曰純儉吾從眾至於拜下

則違之論語孔子曰麻冕禮也今也純儉吾從眾拜下禮也今拜乎上泰也雖違

衆吾從下何晏注云麻冕緇布冠也古績麻三十升以為之絕絲也絲易成故從儉臣之

與若行禮者下拜然後升時臣驕夫明者獨

泰故於上拜今從下禮之恭也

見不惑於朱紫聽者獨聞不謬於清濁故離

朱不為巧眩移目離朱黃帝時明目者也一

察毫末於師曠不為新聲易耳桓譚新論曰

百步之外晉師曠善知

音衛靈公將之晉宿於濮水之上夜聞新聲

召師曠告之曰為我聽寫之曰臣得之矣遂

之晉平公饗之酒酌靈公曰有新聲願奏

之乃令師曠鼓琴未終師曠止之曰此亡國

也之聲方今干戈少弭戎事略戢留思聖藝眷

顧儒雅採孔子下拜之義卒淵聖獨見之旨

分明黑白建立左氏解釋先聖之積結泚汰

學者之累惑泚汰猶洗濯也使基業垂於萬世後進

無復狐疑則天下幸甚臣元愚鄙嘗傳師言

如得以褐衣召見俯伏庭下褐織毛為布誦

孔氏之正道理立明之宿寃若辭不合經事

不稽古退就重誅雖死之日生之年也書奏

下其議范升復與元相辯難凡十餘上帝卒

立左氏學太常選博士四人元為第一帝以

元新忿爭乃用其次司隸從事李封於是諸

儒以左氏之立論議謹譁自公卿以下數廷

爭之會封病卒左氏復廢元以才高著名辟
司空李通府持大司農江馮上言宜令司隸
校尉督察三公事下三府元上疏曰臣聞師
臣者帝賓臣者霸言以臣為師故武王以太
公為師齊桓以夷吾為仲父孔子曰百官總
已聽於冢宰論語文也近則高帝優相國之禮蕭
為相國高帝賜太宗假宰輔之權太宗孝
履上殿入朝不趨居嘉為丞相坐府召太中大夫鄧通欲誅之
李文使持節召通令人謝嘉故曰假權也
及亡新王莽遭漢中衰專操國柄以偷天下

偷竊也况已自喻不信群臣奪公輔之任損宰
相之威以刺舉為明徵訐為直至乃陪僕告
其君長子弟變其父兄王莽時開吏告其主罔
密法峻大臣無所措手足然不能禁董忠之
謀身為世戮董忠為王莽大司馬共劉故人
君患在自驕不患驕臣失在自任不在任人
是以文王有日昃之勞周公執吐握之恭書
日昃文王自朝至于日中昃不遑暇食史記曰
伯禽封魯周公戒之曰我文王之子武王之
弟成王之叔父亦不賤矣我一沐三握髮一
飯三吐哺以待士猶恐失天下之賢人汝無

以國驕人也不聞其崇刺舉務篤察也方今四方尚擾天下未一百姓觀聽咸張耳目陛下宜修文武之聖典襲祖宗之遺德勞心下士屈節待賢誠不宜使有司察公輔之名帝從之宜下其議司察猶督察也李通罷元後復辟司徒歐陽歛府數陳當世便事郊廟之禮帝不能用以病去年老卒於家子堅卿有文章

賈逵傳

賈逵字景伯扶風平陵人也九世祖誼文帝

時為梁王太傅

為文帝子梁王揖之傅也

曾祖父光為常

山太守宣帝時以吏二千石自洛陽徙焉父

徽從劉歆受左氏春秋兼習國語周官又受

古文尚書於塗惲

風俗通曰塗姓塗山氏之後惲字子真受尚書於胡

常見前書

學毛詩於謝曼卿作左氏條例二十一

篇達悉傳父業弱冠能誦左氏傳及五經本

文以大夏侯尚書教授雖為古學兼通五家

穀梁之說

五家謂尹更始劉向周慶丁姓自王彥等皆為穀梁見前書也

為兒童常在太學不通入閒事身長八尺二

寸諸儒為之語曰問事不休賈長頭性悻悻

多智思倣儻有大節愷樂也悻易也言有和樂簡易之德也倣儻卓

也異尤明左氏傳國語為之解詁五十一篇左氏

三十篇國語永平中上疏獻之顯宗重其書

寫藏秘館時有神雀集宮殿官府冠羽有五

采色帝異之以問臨邑侯劉復臨邑東郡縣也復齊武王

伯升孫北海王興子復不能對薦達博物多識帝乃召

見達問之對曰昔武王終父之業鸞鷲在岐

鸞鷲鳳之別名也周大夫內史過對周惠王曰周之興也鸞鷲鳴于岐山事見國語宣

帝威懷戎狄神雀仍集此胡降之徵也仍類也宣

帝時神雀再見改為年號後匈奴降服呼韓入朝也帝勅蘭臺給筆札

使作神雀頌拜為郎與班固並校秘書應對

左右肅宗立降意儒術特好古文尚書左氏

傳建初元年詔達入講北宮白虎觀南宮雲

臺帝善達說使發出左氏傳大義長於二傳

者達於是具條奏之曰臣謹擿出左氏三十

事尤著明者斯皆君臣之正義父子之紀綱

其餘同公羊者什有七八或文簡小異無害

大體至如祭仲紀季伍子胥叔術之屬左氏
義深於君父公羊多任於權變左傳宋人執鄭祭仲曰不立突將死祭仲許之遂出昭公而立厲公杜預注云祭仲之如宋非會非聘見誘被拘廢長立少故書名罪之公羊傳曰祭仲者何鄭之相也何以不名賢也何賢乎祭仲以爲知權也其知權奈何宋人執之謂之曰爲我出忽而立突祭仲不從其言則君必死國必亡從其言則君可以生易死國可以存易亡古之有權者祭仲之權是也左傳紀季以鄆入于齊紀侯大去其國賈逵以爲紀季不能兄弟同心以存國乃背兄歸讎書以譏之公羊傳曰紀季者何紀侯之弟也何以不名賢也何賢乎服罪也其服罪奈何請後五廟以存姑姊妹左傳楚平王將殺伍奢子伍尚伍負曰來吾免而父尚謂負曰聞免父之

命不可以莫之奔親戚爲戮不可以莫之報父不可棄名不可廢子胥奔吳遂以吳師入郢卒復父讎公羊傳曰父受誅子復讎推刃之道也公羊不許子胥復讎是不深父也左傳曰冬邾黑肱以濫來奔賤而書名重地故也君子曰名之不可不慎以地叛雖賤必書地以名其人終爲不義不可滅已是以君子動則思禮行則思義公羊傳冬黑弓以濫來奔又何以無邾婁通濫也曷爲通濫賢者子孫宜有地賢者孰謂謂叔術也何賢乎叔術讓國其相殊絕固以甚遠而寬抑積久莫肯也

分明臣以永平中上言左氏與圖讖合者先

帝不遺芻蕘省納臣言寫其傳詰藏之祕書

建平中建平哀帝年也侍中劉歆欲立左氏不先暴

論大義而輕移太常恃其義長詆挫諸儒諸
儒內懷不服相與排之排擯却也劉歆建立
儒講論其義諸博士不肯置對歆乃後皇帝重逆衆心故出歆為河內太守從是攻
書太常以責之故被排擯事見前書擊左氏遂為重讎至光武皇帝奮獨見之明
興立左氏穀梁會二家先師不曉圖讖故令
中道而廢凡所以存先王之道者要在安上
理民也今左氏崇君父卑臣子強幹弱枝勸
善戒惡至明至切至直至頌左傳曰翼戴天

日君命天也天可讎乎委質策名貳乃辟也
父孝子貳何以事君又曰弃父之命惡用子
矣以有無父之國則可是崇君父卑臣子也
左氏王人雖微序在諸侯之上又曰五大不
在邊五細不在庭未大必折尾大不掉是強
幹弱枝也又曰盡而不污懲惡而勸善非聖
人誰能修之史記曰孔子曰我欲載且三代
之空言不如見之行事深切著明也異物損益隨時故先帝博觀異家各有所採
易有施孟復立梁丘施讎孟喜尚書歐陽復
有大小夏侯歐陽和伯大夏侯勝小今三傳
之異亦猶是也又五經家皆無以證圖讖明
劉氏為堯後者而左氏獨有明文春秋晉大夫蔡墨曰

陶唐氏既衰其後有劉累學擾龍事孔甲范氏其後也范會自秦還晉其處者為劉氏明漢承堯後也五經家皆言顓頊代黃帝而堯不得

為火德史記曰黃帝崩其孫昌意之孫立是為帝顓頊當時五經家同為此說若以顓頊代黃帝農師以土德王即顓頊當為金德高辛為水德堯為木德漢承堯後自然不得為左氏以為少昊代黃帝即圖讖所謂

帝宣也左氏傳曰黃帝氏以雲紀少昊氏以鳥紀是以少昊代黃帝也河圖曰大星如虹下流華渚女節意感生白如金堯不帝朱宣宋均姓曰朱宣少昊氏也得為火則漢不得為赤其所發明補益實多

陛下通天然之明建大聖之本改元正歷垂

萬世則改元謂改建初九年為元和元年是正曆謂元和二年始用四分曆也是

以麟鳳百數嘉瑞雜還麟五十二白虎二十九黃龍三十四神猶朝

夕恪勤遊情六藝研機綜微靡不審覈崔白燕等史官不可勝紀見東觀記實

若復留意廢學以廣聖見庶幾無所遺矣廢學謂左氏傳也書奏帝嘉之賜布五百匹衣一襲

令逵自選公羊嚴顏諸生高才者二十人教以左氏公羊高作春秋傳號曰公羊春秋嚴有嚴顏之學與簡紙經傳各一通紙簡及逵

見前書也

毋常有疾帝欲加賜以校書例多特以錢二十萬使潁陽侯馬防與之謂防曰賈逵母病此子無入事於外廣無人事謂不屢空則從孤竹之子於首陽山矣屢數也空乏也史記曰伯夷叔齊孤竹君之子也隱於首陽山卒餓死也逵數為帝言古文尚書與經傳爾雅詁訓相應詔令撰歐陽大小夏侯尚書古文同異逵集為三卷帝善之復令撰齊魯韓詩與毛氏異同并作周官解故依固齊人也為齊詩申公魯人也為魯詩韓嬰為韓詩毛萇為毛詩故謂事之指意也遷逵為衛

士令

北宮衛士令一人掌南北宮秩比六百石

八年乃詔

諸儒各選高才生受左氏穀梁春秋古文尚

書毛詩由是四經遂行於世皆拜逵所選第

子及門生為千乘王國郎千乘王仇宣帝子也朝夕受

業黃門署學者皆欣欣羨慕焉和帝即位永

元三年以逵為左中郎將八年復為侍中領

騎都尉內備帷幄兼領祕書近署甚見信用

逵薦東萊司馬均陳國汝郁帝即徵之並蒙

優禮均字少賓安貧好學隱居教授不應辟

命信誠行乎列里鄉人有所計爭輒令祝少

賓祝詛也東觀記曰爭曲直者輒言敢祝少賓乎心不直者終不敢祝也不直

者終無敢言位至侍中以老病乞身帝賜以

大夫祿歸鄉里郁字叔異性仁孝東觀記曰郁年五歲

母病不能食郁常抱持啼泣亦不食母及親

歿遂隱處山澤後累遷為魯相以德教化百

姓稱之流入歸者八九千戶達所著經傳義

詁及論難百餘萬言又作詩頌誄書連珠酒

令凡九篇學者宗之後世稱為通儒應劭風俗遺義

曰授先王之制立當時之事綱紀國體原本要化此通儒也然不修小節

當世以此頗譏焉故不至大官永元十三年

卒時年七十二朝廷愍惜除兩子為太子舍人

論曰鄭賈之學行乎數百年中遂為諸儒宗

亦徒有以焉爾言賈鄭雖為儒宗而不為帝

桓譚以不善識流亡鄭興以遜辭僅免賈逵

能附會文致最差貴顯賈逵附會文致謂引左氏明漢為堯後也

世主以此論學悲矣哉言時主不重經而重識也

張霸傳

子楷

楷子陵

陵弟玄

張霸字伯饒蜀郡成都人也年數歲而知子
讓雖出入飲食自然合禮鄉人號為張曾孝
七歲通春秋復欲進餘經父母曰汝小未能
也霸曰我饒為之故字曰饒焉饒猶益也後就長
水校尉樊儵受嚴氏公羊春秋遂博覽五經
諸生孫林劉固段著等慕之各市宅其傍以
就學焉舉孝廉光祿主事稍遷光祿勳之主事也見漢官
永元中為會稽太守表用郡人處士顧奉公
孫松等奉後為潁川太守松為司隸校尉並

子

有名稱其餘有業術者皆見擢用郡中爭厲
志節習經者以千數道路但聞誦聲初霸以
樊儵刪嚴氏春秋猶多繁辭乃減定為二十
萬言更名張氏學霸始到越賊未解郡界不
寧乃移書開購明用信賞賊遂束手歸附不
煩士卒之力童謠曰弃我戟捐我矛盜賊盡
吏皆休視事三年謂掾史曰太守起自孤生
致位郡守蓋日中則移月滿則虧史記蔡澤
豐卦日日中則老氏有言知足不辱遂上病
吳月盈則食也

後徵四遷為侍中時皇后兄虎賁中郎將鄧
騭當朝貴盛聞霸名行欲與為交霸遂然不
答衆人笑其不識時務後當為五更會疾卒
年七十遺勅諸子曰昔延州使齊子死羸博
因坎路側遂為葬焉羸博二縣名屬泰山郡禮記曰延陵季子適齊
其長子死於羸博之間因葬焉今蜀道阻遠不宜歸塋可止
此葬足藏髮齒而已務遵速朽副我本心人
生一世但當畏敬於人若不善加已直為受
之諸子承命葬於河南梁縣因遂家焉將作

大匠翟酺等與諸閭人追錄本行謚曰憲文
中子楷

楷字公超通嚴氏春秋古文尚書門徒常百
人賓客慕之自父黨夙儒偕造門焉車馬填
街徒從無所止黃門及貴戚之家皆起舍巷
次以候過客往來之利楷疾其如此輒徙避
之家貧無以為業常乘驢車至縣賣藥足給
食者輒還鄉里司隸舉茂才除長陵令不至
官隱居弘農山中學者隨之所居成市後華

陰山南遂有公超市五府連辟舉賢良方正

不就五府太傅太尉司漢安元年順帝特下

詔告河南尹曰故長陵令張楷行慕原憲操

擬夷齊原憲魯人字子思孔子弟輕貴樂賤

竄跡幽藪高志確然獨拔群俗前此徵命盤

桓未至將主者翫習於常優賢不足使其難

進歟郡時以禮發遣楷復告疾不到性好道

術能作五里霧時關西人裴優亦能為三里

霧自以不如楷從學之楷避不肯見桓帝即

位優遂行霧作賊事覺被老引楷言從學術

楷坐繫廷尉詔獄積二年桓諷誦經籍作尚

書注後以事無驗見原還家建和三年詔安

車備禮聘之辭以篤疾不行年七十終於家

子陵

陵字處沖官至尚書元嘉中歲首朝賀大將

軍梁冀帶劔入省陵呵叱之令出勅羽林虎

賁奪冀劔冀跪謝陵不應即劾奏冀請廷尉

論罪有詔以一歲俸贖而百僚肅然初冀弟

不疑爲河南尹舉陵孝廉不疑疾陵之奏冀
因謂曰昔舉君適所以自罰也陵對曰明府
不以陵不肖誤見擢序今申公憲以報私恩
不疑有愧色陵弟玄

玄字處虛沉深有才略以時亂不仕司空張
溫數以禮辟不能致中平二年溫以車騎將
軍出征涼州賊邊章等將行玄自田廬被褐
帶索要說溫曰天下寇賊雲起豈不以黃門
常侍無道故乎聞中貴人公卿以下當出祖

道於平樂觀明公總天下威重握六師之要
若於中坐酒酣鳴金鼓整行陣召軍正執有
罪者誅之引兵還屯都亭以次翦除中官解
天下之倒懸報海內之怨毒然後顯用隱逸
忠正之士則邊章之徒宛轉股掌之上矣溫
聞大震不能對良久謂玄曰處虛非不悅子
之言顧吾不能行如何玄乃歎曰專行則爲
福不行則爲賊今與公長辭矣即仰藥欲飲
之溫前執其手曰子忠於我我不能用是吾

罪也子何為當然且出口入耳之言誰今知

左傳曰言出於口入於耳玄遂去隱居魯陽山中山在

今汝州南及董卓秉政聞之辟以為掾舉侍御史

不就卓臨之以兵不得已彊起至輪氏道病

終輪氏縣屬潁川郡故城在今洛州洛陽縣城西南

贊曰中世儒門賈鄭名學衆馳一介爭隱氈

幄介行李告於寡君氈幄謂匈奴也升元守

經義偏情較霸貴知止辭交戚里公超善術

所舍成市

禮

鄭范陳賈張列傳第二十六

Blank columns for text in the left page.

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

[Blank page]

